

Ո Ր Ո Շ ՈՒ Մ Ն 605/6

վարչական տույժ նշանակելու մասին

«10» օգոստոսի 2020թ

ք. Վանաձոր

Հայաստանի Հանրապետության պետական եկամուտների կոմիտեի Արևյան մաքսատուն-վարչության պետ Գարիկ Դարբինյանս, քննելով «Ալիանս Կոնսալթինգ» ՍՊԸ-ի մաքսային միջնորդ՝ Արամ Գիգոյանի (ՀՀ անձն.՝ AM0468737, հասցե՝ ՀՀ Երևան, Մալաթիա Սեբաստիա, Կուրդինյան նրբ., շ. 8, բն.7) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Վեդի Ալկո» ՓԲԸ-ի /ՀՎՀՀ 04113397/ անունով 23.07.2020 թվականին լրացվել է թիվ 05100033/230720/00028312 տարանցման հայտարարագիրը: Հայտարարգրի ապրանքի 35-րդ «բրուտո քաշ» սյունակը լրացվել է սխալ:

Փաստի առթիվ Արևելյան մաքսատուն-վարչության Բազրատաշենի մաքսային կետ-բաժնի 3-րդ բաժանմունքի մաքսային տեսուչի կողմից 23.07.2020թ-ին «Ալիանս Կոնսալթինգ» ՍՊԸ-ի մաքսային միջնորդ Արամ Գիգոյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով: Նշանակվել է գործի քննություն 10.08.2020 թվականին ժամը 11:00-ին, վերջինս պատշաճ ծանուցվել է, սակայն չի ներկայացել վարչական վարույթի քննարկմանը:

Գործի նյութերի ուսումնասիրության ընթացքում պարզվել է, որ քաղաքացի «Վեդի Ալկո» ՓԲԸ-ի անվամբ 23.07.2020թ. թիվ 05100033/230720/00028312 տարանցման հայտարարագրով հայտարարագրվել է 1 անուն ապրանք: Ապրանքի 35-րդ «բրուտո քաշ» սյունակը լրացվել է սխալ: Նշված հայտարարագրում ոչ ճշգրիտ տեղեկություններ ներկայացնելը չի առաջացրել մաքսային վճարների պակաս հաշվարկում կամ չհաշվարկում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության

մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: Սույն դեպքով հայտարարտուի անունից հայտարարգիրը լրացրել է Արամ Գիգոյանը:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50.000 դրամի չափով:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գալիս է այն եզրակացման, որ սույն դեպքով Արամ Գիգոյանի արարքում առկա է 17.12.2014թ. ՀՕ-241-Ն <<Մաքսային կարգավորման մասին>> օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ 203 հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասի հատկանիշներով նախատեսված մաքսային կանոնների խախտում կատարելու համար Արամ


Գիգոյանին ենթարկել վարչական պատասխանատվության՝ տուգանելով 50000 ՀՀ դրամի չափով:

2. Որոշման մասին հայտնել Արամ Գիգոյանին, պարզաբանելով, որ այն ՀՀ մաքսային օրենսգրքի 221-րդ հոդվածի համաձայն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71-րդ հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին, կամ ՀՀ վարչական դատավարության օրենսգրքի 72-րդ հոդվածի 1-ին մասի 1-ին կետի համաձայն՝ 2 ամսվա ընթացքում ՀՀ վարչական դատարան:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արեվելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



ԳԱՐԻԿ ԴԱՐԲԻՆՅԱՆ